



# COMUNU DE CABUDERRA

Tzitadi Metropolitana de Casteddu

---

## DELIBERATZIONI DE SA GIUNTA COMUNALI N. 36 DE SU 22/02/2023

OGETU: PATROTZÌNIU A INDONU PO S' ASSÒTZIU A.S.D PUL.SAR PO SA GARA CICLÌSTICA "POINT TO POINT" CUN PEDALADA ECOLOGICA – RAPPRESENTANTI LEGALI DE S' ASSÒTZIU: COLLU GIORGIA.

S' annu 2023, su 22 de su mesi de Friàrgiu a ora de is 13.00, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi sighint:

<i>Nòmini e Sangunau</i>	<i>Càrriga</i>	<i>Presenti</i>
Beniamino Garau	Sindigu	Eja
Dessi Donatella	Assessori	Eja
Frongia Pietro	Assessori	Eja
Montis Giovanni	Assessori	Eja
Sorgia Silvia	Assessori	Eja
Solinas Marco	Assessori	Eja
Garone Katuscia	Assessori	Eja

**Presentis: 7**

**Ausentis: 0**

Pigat parti a sa setziada su Segretàriu Generali Sa Dotora Felicina Deplano.

Su Sindigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

---

## SA GIUNTA COMUNALI

### **Postu chi:**

- cun annotadura de su 10 de gennàrgiu 2023, arricida de su Protocolu Generali de custu Enti cun n. 1345, Sa Sennora COLLU GIORGIA, in calidadi de Rapresentanti Legali de s' Assòtziu A.S.D PUL. SAR, at pediu su Patrotziniu a Indonu de su Comunu de Cabuderra po Sa Gara Ciclistica "Point To Point" paris cun sa Pedalada Ecològica, chi s'at a fai Mèrcuris, su 19 de Martzu 2023. Custa manifestatzioni s'at a fai me in is montis de Cabuderra, cumentzendi de Poggio dei Pini – e is territòrius Comunalis de Sarroch e Assèmini, duncas est un' Eventu Sovracomunali cun unus cantu Comunu chi ndi pigant parti e obietivus a cumoni: Sotzialis, Sportivus, Ambientalis e Culturalis;

- su Progetu Eventu est de importu mannu po su chi pertocat sa sotzialidadi, su sport, s'ambienti e sa cultura, sena scopu de lucru de parti de is organizadoris;

**Torrada sceda** bona a s' iniziativa;

**Ca** sa cuntzessioni de su Patrotziniu est disciplinada de su Regulamentu Comunali aprovau cun Deliberatzioni de su Consillu Comunali n. 31 de su 29/04/2022;

**Cunsiderau** s' artìculu 2 de su Regulamentu "Su Patrotziniu est un' atu autònomu cunforma a àteras formas de interventu comunali, comenti cuntzessionis de sali, de strukturas, de contributus, e sa cuntzessioni sua est riservada sceti a sa cumpetènzia de sa Giunta Comunali chi intervenit cun Deliberatzioni sua";

**Arriciu** parri a favori po su chi pertocat sa regolaridadi tècnica cunforma a s' art. 49, c. 1, de su D.Lgs. n. 267/2000, de parti de su Responsàbili de su Setori Su Dotori Giorgio Lecca;

**Pigau atu** chi cunforma a s' art. 49 de su D.Lgs. n.267/2000, custu provedimentu no est sugetu a parri contàbili ca no ocasionat mudamentus diretus o indiretus a sa situatzioni econòmica - finantzària o a su patrimoniu de s' enti;

Cun votatzioni a totòmini cunforma a sa lei;

## DELÌBERAT

**De cuntzedi**, cunforma a su Regulamentu po sa cuntzessioni de su Patrotziniu Comunali, su Patrotziniu a indonu de su Comunu de Cabuderra a sa Gara Ciclistica "Point To Point" paris cun sa Pedalada Ecològica, chi s'at a fai: Mèrcuris, su 19 de Martzu 2023. Custa manifestatzioni s'at a fai me in is montis de Cabuderra, cumentzendi de Poggio dei Pini – e is territòrius Comunalis de Sarroch e Assèmini, duncas est un' Eventu Sovracomunali cun unus cantu Comunu chi ndi pigant parti e obietivus a cumoni: Sotzialis, Sportivus, Ambientalis e Culturalis;

---

**De autorizai** s'imperu de su Stema de su Comunu de Cabuderra, cunforma a s'art. 10 de su Regulamentu;

**De si riservai** su diritu rèvoça de su Patrotzìniu in s' in casu de cunditzionis previdias de s' artìculu 13 de su Regulamentu;

**De donai atu** chi sa cuntzessioni de su Patrotzìniu no liberat de perunu òbligu a is organizadoris, previdiu de sa lei e/o regulamentu, pertocanti s'atividadi asuta de patrotzìniu;

**De decrarai** chi sa cuntzessioni de su Patrotzìniu no rapresentat un' autorizazioni a s' imperu de struturas comunalis o a s' ocupatzioni de logus pùblicus chi depint essi pedius cunforma a is dispositzionis in vigèntzia;

**De donai atu** chi custu provedimentu no ocasionat gastus a càrrigu de su Comunu de Cabuderra;

**De decrarai** chi custu provedimentu at a balli luegus etotu, cunforma a s' artìculu 134, corriedda 4, de su d.Lgs. n. 267/2000.

---